



GRAD TUZLA

Na osnovu člana 9. Pravilnika o načinu dodjele bespovratnih finansijskih sredstava na ime jednokratne pomoći samostalnim djelatnostima u vlasništvu fizičkih lica sa područja grada Tuzle u cilju ublažavanja negativnih posljedica pandemije koronavirusa (COVID-19) („Službeni glasnik Grada Tuzla“, broj: 8/20), Služba za ekonomski razvoj, poduzetništvo i poljoprivredu Grada Tuzla, dana **14.07.2020. godine**, objavljuje:

JAVNI POZIV za dodjelu sredstava na ime jednokratne pomoći samostalnim djelatnostima u vlasništvu fizičkih lica registrovanih na području grada Tuzle u cilju ublažavanja negativnih posljedica pandemije koronavirusa (COVID-19)

I - Predmet Javnog poziva

Ovim Javnim pozivom prikupljaju se prijave samostalnih djelatnosti u vlasništvu fizičkih lica, registrovanih na području grada Tuzle, za dodjelu bespovratnih finansijskih sredstava na ime jednokratne pomoći, s ciljem ublažavanja negativnih posljedica pandemije koronavirusa (COVID-19).

Za dodjelu sredstava putem ovog Javnog poziva raspoloživa su sredstava u iznosu od 250.000,00 KM (dvijestotinepedesethiljada KM), koja su planirana u Budžetu Grada Tuzla za 2020. godinu, na poziciji: Grant samostalnim poduzetnicima i obrtnicima za ublažavanje socio-ekonomskih posljedica izazvanih COVID-19.

Jednokratna pomoć koja se dodjeljuje putem ovog Javnog poziva iznosi 500,00 KM (petstotina KM), po jednom korisniku sredstava.

Ukoliko ukupan broj validnih i prihvatljivih prijava na ovaj Javni poziv bude veći od iznosa raspoloživih sredstava, navedenog u tački I, stavu 2. ovog Javnog poziva, izvršit će se proporcionalno smanjenje odobrenih pojedinačnih iznosa jednokratne pomoći korisnicima sredstava.

II – Subjekti koji se mogu prijaviti na Javni poziv

Pravo podnošenja prijave na ovaj Javni poziv imaju subjekti koji su Pravilnikom o načinu dodjele bespovratnih finansijskih sredstava na ime jednokratne pomoći samostalnim djelatnostima u vlasništvu fizičkih lica sa područja grada Tuzle u cilju ublažavanja negativnih posljedica pandemije koronavirusa (COVID-19), utvrđeni kao korisnici sredstava, pod kojim se smatraju: fizička lica koja obavljaju samostalne djelatnosti (trgovinske, obrtničke, uslužne, ugostiteljske djelatnosti), registrovane na području grada Tuzle, kod nadležnog organa za registraciju djelatnosti u Gradskoj upravi Tuzla i koji registrovanu djelatnost obavljaju kao osnovno zanimanje.

Pored toga, subjekti iz prethodnog stava moraju ispunjavati i uslov da im je odlukama i naredbama nadležnih štabova civilne zaštite i kriznih štabova, bio zabranjen rad u periodu mart-april 2020. godine **ili** da su u mjesecu aprilu 2020. godine ostvarili najmanje 20% pad prometa u odnosu na promet

ostvaren u mjesecu aprilu 2019. godine. Za podnositelje prijave koji su otpočeli poslovanje nakon mjeseca aprila 2019. godine, njihov promet u mjesecu aprilu 2020. godine, upoređivat će se sa prometom ostvarenim u mjesecu februaru 2020. godine, radi utvrđivanja procenta pada prometa,

III – U ovom Javnom pozivu ne mogu učestvovati

Za dodjelu sredstava na ime jednokratne pomoći putem ovog Javnog poziva ne mogu se prijaviti subjekti koji imaju status privrednog društva, javne ustanove, javnog preduzeća, organizacije civilnog društva i druga pravna lica.

IV – Uslovi za ostvarivanje bespovratnih finansijskih sredstava na ime jednokratne pomoći

Za ostvarivanje prava na jednokratnu pomoć koja je predmet dodjele putem ovog Javnog poziva zainteresirani podnositelji prijave moraju ispunjavati sljedeće uslove:

- da su registrovani kao fizičko lice koje obavlja samostalnu djelatnost na području grada Tuzle, kod nadležnog organa za registraciju djelatnosti u Gradskoj upravi Tuzla,
- da registrovanu djelatnost obavljaju kao osnovno zanimanje,
- da im je odlukama i naredbama nadležnih štabova civilne zaštite i kriznih štabova, bio zabranjen rad u periodu mart-april 2020. godine **ili**
- da su u mjesecu aprilu 2020. godine ostvarili najmanje 20% pad prometa u odnosu na promet ostvaren u mjesecu aprilu 2019. godine. Za podnositelje prijave koji su otpočeli poslovanje nakon mjeseca aprila 2019. godine, njihov promet u mjesecu aprilu 2020. godine, upoređivat će se sa prometom ostvarenim u mjesecu februaru 2020. godine, radi utvrđivanja procenta pada prometa,
- da su izmirili porezne obaveze sa mjesecom februarom 2020. godine,
- da su zadržali broj prijavljenih radnika na dan 29.02.2020. godine, osim radnika kojima je nakon ovog datuma istekao ugovor o radu.

V- Popis dokumentacije koju je potrebno priložiti uz prijavu

Dokumentacija koja se prilaže uz prijavu na ovaj Javni poziv, kao dokaz o ispunjavanju uslova za dodjelu bespovratnih finansijskih sredstava na ime jednokratne pomoći, je sljedeća:

1. prijavni obrazac,
2. dokaz o registraciji fizičkog lica koje obavlja samostalnu djelatnost ili obrt registrovan na području grada Tuzle (kopija rješenja nadležnog organa za registraciju djelatnosti u Gradskoj upravi Tuzla);
3. dokaz o otvorenom računu u poslovnoj banci za uplatu odobrenih sredstava (kopija);
4. uvjerenje nadležne Porezne uprave-Porezna ispostava Tuzla o izmirenim obavezama po osnovu direktnih poreza , sa mjesecom februarom 2020. godine (original ili ovjerena kopija);
5. lista osiguranih lica koja uključuje i odjavljena lica izdata od Porezne uprave Tuzla, ne starija od 15 dana od dana prijave na javni poziv (original ili ovjerena kopija);
6. izjava vlasnika samostalne djelatnosti, u slučaju da je nakon 29.02.2020. godine otpuštao radnike, zbog isteka ugovora o radu, ovjerena kod notara, ili u nadležnoj službi Grada Tuzle,

sa dokumentom ugovora o radu koji je istekao nakon 29.02.2020.godine, koji se u kopiji dostavlja u prilogu ove izjave, za svakog radnika koji je otpušten iz ovog razloga, (ova Izjava je sastavni dio prijavnog obrasca, a može se preuzeti na Info pultu u Pisarnici Grada Tuzle ili elektronski, na službenoj stranici Grada Tuzle: www.grad.tuzla.ba),

7. vlasnici samostalnih djelatnosti koji su u sistemu fiskalizacije dostavljaju mjesečni izvještaj fiskalne blagajne o ukupno ostvarenom prometu za mjesec april 2020. godine, kao i za mjesec april 2019. godine, ili za mjesec februar 2020. godine, ukoliko su djelatnost registrovali nakon aprila 2019. godine, koji moraju biti potpisani i ovjereni od vlasnika samostalne djelatnosti,
8. vlasnici samostalnih djelatnosti koji nisu u sistemu fiskalizacije, nego su obveznici paušalnog plaćanja poreza, dostavljaju izjavu pod punom materijalnom i krivičnom odgovornošću, ovjerenu kod notara ili u nadležnoj službi Grada Tuzle, o ostvarenom prometu u mjesecu aprilu 2020. godine, te u mjesecu aprilu 2019. godine, ili u mjesecu februaru 2020. godine, ukoliko su djelatnost registrovali nakon aprila 2019. godine, (ova Izjava je sastavni dio prijavnog obrasca, a može se preuzeti na Info pultu u Pisarnici Grada Tuzle ili elektronski, na službenoj stranici Grada Tuzle: www.grad.tuzla.ba);

VI - Način prijavljivanja

Prijave na ovaj Javni poziv podnose se na propisanom prijavnom obrascu koji se može preuzeti na Info pultu u Pisarnici Grada Tuzle (Šalter sala) ili elektronski sa službene stranice Grada Tuzle: www.grad.tuzla.ba).

VII – Provođenje Javnog poziva

Radi provođenja javnog poziva, Pomoćnik gradonačelnika za Službu za ekonomski razvoj, poduzetništvo i poljoprivredu, imenovat će Komisiju, koja ima predsjednika i 2 člana.

Komisija je dužna sačiniti listu krajnjih korisnika sredstava koju će objaviti na web stranici Grada Tuzle i oglasnoj ploči Grada Tuzle.

Listu krajnjih korisnika sredstava Komisija dostavlja Službi za ekonomski razvoj, poduzetništvo i poljoprivredu.

Na osnovu zaprimljene liste krajnjih korisnika sredstava Služba za ekonomski razvoj, poduzetništvo i poljoprivredu pripremit će i dostaviti Gradonačelniku Grada Tuzle odluku o odabiru korisnika sredstava, sa pojedinačnim iznosom dodijeljenih sredstava svakom korisniku.

Gradonačelnik razmatra nacrt i usvaja odluku o odabiru korisnika sa iznosom dodijeljenih sredstava.

Odluka Gradonačelnika je konačna i protiv nje se ne može izjaviti žalba ili neki drugi redovni pravni lijek.

Isplatu odobrenih novčanih sredstava će vršiti Služba za budžet i finansije, na osnovu odluke o odabiru korisnika sa iznosom dodijeljenih sredstava, iz prethodnog stava, na račune korisnika sredstava na ime dodijeljene jednokratne pomoći putem ovog Javnog poziva.

VIII – Trajanje Javnog poziva i podnošenje prijava

Javni poziv ostaje otvoren 8 dana od dana objave.

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima -Pisarnice Grada Tuzle (Šalter sala) ili poštom na adresu:

GRAD TUZLA

**Služba za ekonomski razvoj, poduzetništvo i poljoprivredu
Ul. ZAVNOBIH-a broj 11, 75000 Tuzla, Bosna i Hercegovina**

sa naznakom:

Prijava na Javni poziv za dodjelu sredstava na ime jednokratne pomoći samostalnim djelatnostima u vlasništvu fizičkih lica registrovanih na području grada Tuzle u cilju ublažavanja negativnih posljedica pandemije koronavirusa (COVID-19)

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u ovom Javnom pozivu, mogu se dobiti u Službi za ekonomski razvoj, poduzetništvo i poljoprivredu Grada Tuzla, putem telefona: 035/307-380.